

Sim Gou Coh Aendangj

我心向党

Gou dwg boux hagseng iq, dwg boux lwgnyez youq laj geiznding seizdaih moq majhung, yienznaeuz aen seizdaih Mauz daxgoeng gaenq liz raeuz bae gyae, doengh boux hungzginh gvaq diegnywj, bin byanae, song fanh haj cien leix cangzcwngh, raeuz cijndaej youq ndaw densi, roxnaeuz youq ndaw saw yawjraen, hoeng gij cingsaenz buekguh mbouj lau haemzhoj gyoengqde louz roengzdaeuj hawj raeuz haenx haengjdingh daih cien daih.

Bi 1921, Cunghgoz Gungcanjdangj hungmbwk laebbaenz lo. Bineix, dwg laeb aendangj 100 hopbi, Cunghgoz Gungcanjdangj caeuq seizdaih caemh yamq, caeuq beksingq caemh mingh, hamj gvaq diuz dem diuz mienglaeg, aeundaej aen dem aen ndaejhingz ronghlwenq.

Bi' gyai gvaq cieng gaxgonq, fwt baenz ciengz

binghraq sinhgvanh ndeu, aendangj hungmbwk raeuz sikhaek gietduenh, fung singz fung loh, gatduenh goekbingh cienzboq. Daengx guek gwnz laj caemh sim, mizmbangj yinhsoengq doxgaiq, mizmbangj baij doih canghyw, mizmbangj guh senhconz, mizmbangj haeuj ranz diucaz daenggeiq, mizmbangj youq bakdou siujgih hwnz ngoenz hen dou……Gyoengqde cungj dwg gungcanjdangjyenz caeuq senhcin fwswj, gyoengqde anbaiz miz bouhloh, raeuz dauqdaeuj hoenxhingz binghraq dwglau haenx.

Ngamq hoenxhingz binghraq cij gvaq le 3 ndwen, Huzbwz youh miz raemxrongz hung, lijdwg gungcanjdangjyenz raeuz, hwnz ngoenz doxlwnz hen youq gwnz fai, giensouj youq gai hung roen iq hawsingz, lajmbanj, gyoengqde mbouj lau rumz hung fwn hung, youq laj fai baizcawz aen dem aen



cingzgvang yungyiempj, baujmaenh le sengmingh beksingq caeuq cienzcaiz ancienz.

Miz gunnanz, gungcanjdangjyenz ciengxlwenx buet youq baihnaj, dwg gyoengqde mbouj lau haemz mbouj lau hoj cij miz ndwenngoenz vuenyungz seizneix raeuz, raeuz dwg lwgnyez seizdaih moq, aeu seizseiz dingq aendangj gangj, gyo'mbaiq aendangj, riengz aendangj byaij. Neix mboujdan dwg cizcwz raeuz, hix dwg sawjmingh raeuz.

Raeuz aeu roengzrengz hagsib, daengzcog majhung guh bouxciepban habgek.

(Cinz Denhyez)

Bonj Saw Gou Gyaez Ndeu

我喜欢的一本书

贵港市覃塘区蒙公镇高占小学五年级 Vangz Yuzswi/黄如梓

Youq mwh gyajseiznit, daxboh cawx bonj saw ndeu hawj gou, mingz saw dwg 《101 Aen Goj Majhung Hawj Lwgnyez Sai Engqgya Lig》

Moix laeq lwgnyez sai cungj maqmuengh swheij, youz laeq lwgnyez sai majhung baenz daegmbauq ak ndeu. Ndaw saw miz 101 aen goj majhung hawj raeuz yawj, vih gyoengq lwgnyez sai majhung gunhawj dungxcaiz, hawj gyoengq lwgnyez sai loqsiengj ndaej saedyienh! Lumjbaenz: 《Sam Duz Moulwg》 ndaej hawj lwgnyez sai coengmingz miz geiqmaeuz. 《Bouxbingzik Iq》 son lwgnyez sai giengiengz miz dangrap. 《Bouxdaycaiz Maenh' ak》 son vunz maenh' ak. 《Moenggaeux Iq Geiznyangz Geiq》 son vunz simsienh lauxsaed. 《Duzmeuz Daenj Haizraez》 hawj vunz vaiqlag. 《Vuengzlwg Sim' angq》 son vunz miz simgyaez, 《Bouxdamengz Lumh Duzciengh》 son vunz guhsaeh aeu rox caez, mbouj ndaej luenh gangj…… Doengzseiz, moix aen gojgaeq gangj aen dauhleix ndeu, mizyinx youh mizyungh. Lumjbaenz: 《Duzsaeceij, Duzmui Caeuq Duznyaenma》 lwnh raeuz, aenvih leih' ik faenboiq, song mbiengj doxhoenx doxceng mbouj fug, bouxlawz hix mbouj nyienh bouxlawz, doeklaeng hawj bouxwnq beg gip ndaej, swheij cix dwg “lamz go-ndoek daek raemx, beg nyaengq baez ndeu”. 《Bouxguhnaz Caeuq Duzngwz》 son raeuz, Bouxyakrwix bonjsingq mbouj yungzheih gajjbiengq. Couhsuenq mwngz doiq de gig ndei, hix gig nanz gajjbiengq bonjsingq yakdoeg de, baez miz seizheiq, de lij dwg haih mwngz. 《Foujgim, Foujngaenz Caeuq Foujdiet》 lwnh raeuz, cij miz boux lauxsaed, mbouj simdam, cij



ndaej daengz gyoengqvunz bangcoh, boux simdam youh ganvad haenx, itdingh deng gyoengqvunz mieng. 《Duzsaeceij Caeuq Duznou Bauqaen》 son raeuz, gwnz biengz bienqvaq mbouj dingh, raeuz mbouj ndaej yawjsiuj bouxnyieg, bouxvunz caiq ak hix miz seiz gouz vunz……

Vah bouxlaux naeuz: “Lai doeg saw, mwh sij faenzcieng couh lumj miz saenzsien bang.” Gou caen maij bonj saw neix, baezlaeng gou lij aeu lai doeg saw, mboujduenh daj ndaw saw hag gijndei, daezsang dungxcaiz swheij, hawj gou daj laeq lwgnyez sai majhung baenz daegmbauq ak ndeu.

(Boux lauxsae son' gyauq Cinz Cinhdonz/覃珍团)

Gip Fwnz

拾柴

Ndaw gyaigeiz ngoenz ndeu, gou guh cozyez sat le, caepcawq bang ndaw ranz guh di hong. Guh maz baenz ne? Muengh yawj goengq bya baihnaj ranz, gou gag singisag, deng lo, couh hwnj bya bae gip fwnz ba.

Naemj guh couh guh, gou caeuq daeggo vuenh ndei buhvaq caeuq haiz, raek ndei cax caeuq gyaw couh bae. Dou riengjret couh daeujaengz gwnz bya lo, yawj, go' nywj haw reuqhenj nyoengqnywtwyw, yiengh de hawj vunz gyaez. Lijmiz haujlai nyefaex hawq lumj coh gou vad fwngz nei, heuh gou daiq gyoengqde dauq ranz, daeggo gaenq nyaengq hwnjdaeuq le, de gip nyefaex hawq hwnjdaeuq, baenz bog baenz bog cuengq ndei. Gou hix mbouj fug saw, gip gaiq ragfaex hawq gig hung ndeu cuengq roengz gyaw bae, leuxcih laebdaeb doq byaij doq gip. Sawqmwh, fwngz gou deng doxgaiq gijmaz coeg mbat ndeu, in raixcaix. Gou yawj, ok lwed lo, laxlawz dwg deng oen faexsamoeg coeg lo. Daeggo ganjgip gvaqdaeuj bang gou ciemz diuz oen okdaeuj, gvaq yaep ndeu, couh mbouj rox in lo. Gou laebdaeb gip fwnz, haemq vaiq gyaw hix cang rim lo.

Daeggo rap hwnj fwnz hawq hainduq roengz bya lo, gou hix caepcawq raek gyaw dauqma ranz. Hoeng mwh gou raek gyaw, cij rox guhlawz baenzneix naek ha, cei q noix hix miz ngeihcib lai gaen, hoeng gou mbouj ndaej doeknaiq, haeb heuj haeb faenz raek gyaw byaij bae coh ranz. Gou gag youq ndawsim gik bonjfaenh; Genhciz couh ndaejhingz! Dauqdaeuj daengz ranz lo, gou cuengq gyaw roengzdaeuj, daengx ndang unqriegrieg naengh youq gwnz aendaengq, mboujgvaq ndawsim diemzsubsub.

Baez guh hong neix hawj gou roxyiuj vunzchung guh hong mbouj ngaih, baezlaeng gou aeu lai bang gyoengqde guh di saehmbaeu.

(Gyanghsuh Swngj Haijmwunz Ginghci Gisuz Gaihfaez Gih Siujyoz Cangh Cwnz)

